



嘯菴四六卷第十一

代賀鄧侍御除給事

顯奉贊書榮躋法從耳目所寄
 尊喉舌攸司浩乎省闈之增重
 同辭某官資稟極乎純全涵養
 鯁敢言之氣童謂幼學而壯行
 明尤高難進而易退身任天下
 之知更嘗百為險夷一節迨外
 正以延登私情公道視之以為
 侯之以為消長落金吾之膽豈
 為盡糾於宮表

寢淮南之謀抑亦大張於國勢屬上願引公而
自近而公樂輔上以有爲擢自南采陞之東省
然言不難於出而難於訥事非積於著而積於
微與其觸邪指佞而尸沽直歛怨之名熟若封還
塗歸而收正本源澄之効况於議論風旨之
際抨彈屢罄於匪躬則夫可否獻替之間啓沃
宜殫於補衮恭題輿在外賀履徒塵竊承餘論
於學士大夫謂耶具瞻於百僚庶尹青瑱有回
天之力少觀馭事於清時黃扉聯密地之班嗣
紀元勳於他日

代回交代趙倅

分派天潢夙棲根庇贅承星婺重接輝垂方慚
已幸之非常忽拜勞謙之先辱揆情維谷戴寵
若驚某官漢代間平唐朝賀白起家以侯之玉
裔是似典刑服采於卿士之聯綽有譽處頃繇
畿漕之上幙平分刺史之左符爰滿雙溪奏課
已馭於吳績惟騰五袴借留暫抑於亨衢上方
屬意於宗英人亦跂望於朝蹟賜環趣下前席
斯宜帝里鳴珂何止道驚序鶴行之列禁途曳
履固應上鷄翹豹尾之班某孤露垂髫伶俜弱

冠向非族屬之上行撫以骨肉之至恩惡能有
成過望及成迄今將母式遂展親敬叔父乎矧
久服在三之訓視猶子也詎敢忘畫之一規

代上費知院干薦

食抱閔之祿此身久託於陶鎔取合穎之章未
路更歸於造化雖無厭之已甚抑有幸以致然
敢據銜袖之文式贄摳衣之敬伏念某未學而
仕所遭多窮備諳宦路之險巖重歡選坑之淪
墮固嘗致辨於獄訟未免及速於悔尤非朋已
之公首悟其點蠅則膚受之譖孰明於市虎山

川出雲天降時雨爲霖屬處於廟堂桃李無言
下自成蹊銜施徒深於頂踵迨茲漫浪孰援浮
湛某官學孔孟韓業臯夔高周旋一紀入京師
而至公侯醜酢百爲佐天子而鎮夷夏咸謂胃
中之相業已歸掌上之明謨碩舒卷之無心乃
仁智之素講上次輔之印必期得請於九重拙
分陝之權何止獨當於一面矧祕殿隆名之甚
寵知中宸深眷之有加哦大江東去之詞少訪
仇池之舊隱誦丞相西來之句嗣欣君實之還
歸重念某與世多違於時寡與百里半九十顛

連已後於衆人一身當三千踴躍自投於知己

代謝宰執到任

天潢馳澤馳驅風玷於麓官京局充真僥倖庸祗
於賤雖自公朝之選擇實深小已之凌競竊
以在昔山海之藏無如今日醜茗之盛所以
利源之虧羨閔乎經費之盈虛然自鈔引之通
行本公私之俱便孰謂新舊之相軋致額課之
不登顧方大臣操歛散之權亦必有司謹出詢
之吝非有疏通之才識曷知財貨之源流如某
者齋出濮園身縻勇爵春弦夏誦曾素習之敢

忘雪霽風餐蓋世味之已老所恨豹窺之短技
未疇鯤化之脩名泉舶犀珠官謗僅逃於慧竅
轅門介冑我行游飭於鶴鵠不堪將母以避征
乃復食貧於遠次屬偶代庖之去遂令曳甲而
來茲遇某官社稷元勳嚴節真宰以三朝定策
而輔大有爲之主以一品維垣而踐不必備之
官器使群工無一夫之失所勗新百度與萬物
以爲春致此孱庸亦叨菜節某敢不仰私洪覆
俯激素衷尺短寸長難取材於未捕千慮一得
儻少効於涓埃

代婺倅謝宰執

貳車假寵敢萌小已之倖逾一札疏榮忽冒大
鈞之塊扎惟希世之遇靡繇於介紹故由裏之
感倍越於尋常竊以監州之任自昔非輕優賢
之擢於今尤重其或未深於縣歷疇與選掄必
烏尤異之寂開始從超躡然明陟儻加於宜黜
則榮施式重於包羞矧星婺之贅負號官游之
樂地項男戚吮之華胄間輟班行之近臣曾是
塵埃與叨糠粃如某者情不更事愚無它賜蚤
以濮園之諸孫濫竊奉常之末第哦松涉筆曾
何藍記之足稱製錦操刀幾悔銅章之物結屬
政拙心勞之技偶時和歲豐之年僅能不剗以
息黥安在撥繁而治劇及瓜而代全璧以歸引
脰翹材瓚尾真同於蟣蝨額誠光範拔援初乏
於蚍蜉衆咸唾躍治之金已獨信囊錐之穎果
被曲成之造俾叨半刺之除夜月雙溪尚想隱
侯之標致春風八詠喜將壽母以相羊榮耀香
多胚胎有自某官階符重望巖石具瞻阿衡佐
商固將躋唐虞夏后之治真儒用魯豈惟歸鄭
謹龜之陰田人或失所而若已納溝中忠則有

餘而乃心在王室故於內外之寄不以重輕而分致此孱涼肩居優渥某敢不益肩素手仰戴鴻私桃李無言下自成蹊長物致辜於提堊山川出雲天降時雨此心永抱於清明

代餘姚宰上時憲干薦

錫皇華之蕩節肆分臨遣之榮綰縣令之銅章屬玷馳驅之列方凌競而受察敢冒昧以求知蓋祥刑一道不忘問俗以褰惟則治賦百里孰肯望風而拜印矧題品逢放於八字而甄收蚤被於千金叨異寵以非常撫微躬而若惕某官

材閎而識邁器遠而用周擊水搏扶蚤適溟南之運過都歷塊果空冀北之羣擢秀金科蜚英玉陛棘署竝華鏡之直竹書多丹筆之持斷死罪二十九人叶聖主措刑之治決疑議四百餘事實明時讞獄之條迨詭外庸益隆中眷聲名曹於瑣闥峻迹列於班聯有縣臯呂之踐敷增邁于張之平恕海將淮堧之漕嗣陞瑤閣之華眷浙東部表於七州迺民齒歲登於數萬明謹疇將於上指恤欽爰屬於信臣炳炳使星趣駕觀風之牡搖々卯月佇還近日之畿整衣綉以

來臨即荷囊而入侍伏念某半生清苦萬事未
愚忝濮園諸孫不改間平之被服竊奉常末第
莫追賀白之才華雖甫記於監田身遽行於墨
綬絡繹將迎之勞午績紛牒訴之及辰割雞用
牛刀蓋簿書敲朴而已耳舍魚取熊掌豈詩書
禮樂云乎哉孰虞下走之塵埃忽肩外臺之選
擇曾鷄章之未拜竟馬價之頓增哦問萬鹿寒
士之詩已頓覆全於此日上一辨爲南豐之祝
嗣圖報塞於終身

代上趙帥千薦

欽復星辰增重神筆之臨照據批蹤跡式諧賤
走之依投雖知於固匪於一朝然慶幸孰踰於
今日竊以夙昔之契遇合則難心存薦叙者避
或類於參辰志在拔援者歎徒深於冠屨惟我
再世偶公一門故自褰帷而問共俗以來逮及
剖竹以繼番君之日錄下士蒙國士之遇因長
公定少公之交致小已之權與辱大賢之推轂
然疇昔戴恩詎敢忘於說項而今茲望賜實倍
切於依劉蓋庾氏之隸天府已欣際會之多而
版曹之長地官乃出按臨之下凡此曲成而有

意疇非造物之相人某官淹貫九流包羅列宿
世濟德美凜弗替於忠嘉自致功名端不由於
閥閱出則膺收養藩宣之寄入而居言語論思
之聯眷簡最隆士論攸屬京師天下首上徒得
公寬宵旰之憂文昌納言官公乃爲上任股肱
之力資甘泉扈從之貴拙上流彈壓之權指頌
而還賣劍買犢之風譚笑而了知馬聞羊之事
當年策挂昭哉翠琰之特書即日登槐矣久金
甌之覆墨伏念某庸庸不武碌碌無竒偶與計
偕濫叨祿仕安有拄笏看西山之爽氣浪隨劍
版揖上官之後塵固當守官箴而紹未墜之箕
裘意者脫選坑以振將衰之門戶天幸疊至未
路復遭口不能言喜甚欲舞竊比培故園之桃
李可覆簣而止乎政猶築因山之亭臺必合尖
而後已度邛異悲資於大造而頂踵不藉於它
人

代迎制帥丘書

光膺眷簡榮撫制藩名世五百年風翼真其儒之
用起家二千石恭欣公道之還閭闔歸然紳綉
騷若某官材高而業鉅識遠而器周蚤歲科名

固已出董晷之右中年事業每自許稷卨之間
祥刑課寂於平反將漕奏功於飛輓出則分牧
養藩宣之寄入而居言語侍從之聯豈惟游刃
之恢、童謂匪躬之蹇、是猶餘是人或易能
至於雷擁袍挫驕虜咆哮之氣春田錦里釋
強藩跋扈之憂蓋公以身任社稷之安危而人
亦於公占國家之治忽繇召還於玉壘久均佚
於宮味然雖袖手以旁觀其可掉頭而弗顧果淵
衷之注倚藉潛府以推與謂縣歷三朝瞭著
龜之先見而險夷一節凜松柏之後凋矧鯨波
偃龍於威風本秀斧照臨於曩日不資閣老曷
壯舟屯某濫總戎行充負亞旅扶搖直上敢希
溟北之莊鵬華表重來自笑遼東之丁鶴勉爲
貧而竊粟慚已試之無功孰云慕蘭於生平遂
獲依劉於節下請喜幸會或契依投津候風和
旌旗日暖願體冕旒之眷倍虔裊七之調

代上都大干薦

擢五百名之上第同題尚憶於棠華總十一路
之重權棲蔭敢期於朽質曾人謀之靡假殆天
幸之致然藉手授試披肝願相某官學該百氏

譽擅兩科射策君門是董無以遠過疇庸帝室
稷尚善所優爲待平廷尉而民庶不寃典秩司
宗而厲籍增重絲控蘭於粉省益滕茂於班
聯屬上方注意以用公而公乃據情而請外願九
府園法欲資於流轉非三朝耆德曷稱於選檜
陟邃閣之奎文賁皇華之蕩節然儒者固知於
財貨或觀地上之錢流抑禁途政俟於論思看
耶日邊之趣詔某塵埃下走蟣蝨微蹤延賞一
官逐祿半世嶽寄末路久嗟苦海之浮湛奮迅
請時未忍選坑之淪墮荷造命興怜之至此俾
創真玩歲以圖之方將黽免而爲合尖之謀乃
復寅緣而冀推轂之誤此時褒袞豫漸樂籠之
收異日銜環誓竭中壺之報

代上黃倉千薦

顯奉明綸出將隆指九重瑣闥握蘭整轂於清
將四牡隄原攬轡或觀於壯志列城增聳屬吏
交欣某官江左名流中朝粹望文章蘊藉得豫
章一派之單傳議論老成續南渡諸公之正脉
蚤策華除之峻壘蜚雲路之英嗣表男邦益騰
政績願步武聚躋於鳴玉絲春知自結於凝旒

吏廩疏榮滋踐颺於農扈宗藩儲望爰峻直於
卽園肆疇廷尉之庸垂荷甘泉之橐屬實政務
恢於經制乃近臣附屈於將明維國之淵自泐
而右幹海山三倍之利實教曆九年之儲人所
難能公特餘事乾文炳炳詎久遠魏闕之顏使
節煌煌姑少問吳門之俗某兵厨冗後選調陳
蹤慶郵傳之戴馳壯誠而唯謹靈丹九轉方
期虧筭之功中流千金豫喜合失之幸

代上梁總干薦

農扈通班擁貔貅之節兵厨祗役退慚幾茲之
之蹤雖邈焉阻奉於教條然叢爾猥叨於廉察
靡緣介紹庸贊依投竊以今日之總臺獨號內
朝之庸使蓋諏咨原隰豈遠顏或異於居中而
清切班聯必銜命不忘於體國是以奔走百執
之士各希薦敷一字之褒某官望重三朝身全
數器懋繼世家賢之譽處縣剽繁治劇之聲稱
人言天下之達尊亦既宅事而宅牧上念當世
之急務無如足食以足兵肆簡淵衷游分隆委
碩護餉雲屯之萬竈或觀風星布之列城鶴陣
鸞行寧久淹於金穀鷄翹豹尾看直上於雲霄

伏念某孤蹟陸沉，官灰冷，欽歎末路，久嗟若海之浮湛。奮迅清時，未忍選玩之淪墮。荷大造興，怜之至此，俾創負玩歲以圖之。惟是合尖尚虧，覆篔屬嘘，枯之有地，俾受宰以自天。惟上臣報國之無私，本不求於識面抑人者。達人之創見，初何暇於先容。輒引脰以哀鳴，尚銜環面誓報。

代干林總綱

擁連營貔虎之屯，餽餉屬資於列。逖效一介馬牛之走馳，驅妄意於微蹤。駭捧郵書，逃瞻鞭影。

竊以輓戍之後，嘗輕於舊。酌勞之賞，不加於今。碩平平仕進，類多未調。於十年而汲汲奔趨，或易取償於一日。世變之此，人情謂何。然尋常嗜利之徒，固可已而不已。若分寸競名之士，抑其然而。豈然伏念某賦質疲駑，受材樸漉。紛紛黃甲，敢爭群從之先。碌碌青衫，僅蔽百僚之底。屬偶親年之喜懼，坐遲遠次之勾稽。曾崎嶇川陸之敢辭，碩執掌消埃之何取。某官四朝望重，數器身兼。人言天下之達尊，亦既宅事而宅牧。上念當今之急務，無如足食以足兵。肆簡淵衷。

游分隆委然近比榮躋於從索必疇庸明陟於
總臺矧使星卿月之交輝而經制邊儲之兼裕實
粟塞下流錢地上勤勞備著於此時策勲河內
第賞閔中事業佇符於曩哲重念某爪時未及
桑陰易移當鄉老仙生得時行道之秋政故家
子弟趨事赴功之會舳艫十萬乃今請事請事
於前驅劔履三千異日誓陪於下列

代上趙大資干薦

寅緣烏幕重叨覆路於二夫只尺龍門更覲
鎔於兩地媿非工於銜袖庸贊敬於摠衣竊以
仕固願於陞京秩之聯人尤榮於被大賢之薦
然法密比年莫甚此時之寒峻而士遇知己難
逢當代之詎公有如奔走州縣之間若爲道地
使之隄起衮馬之下每接聲光此天將畀以非
常之榮而已獲遂其大欲之願伏念某家聲未
墜世賞僅延持是選調之一官恍若塵埃之再
紀粗有志罷民之事勉存居司士之聯補拙將
勤未知免戾得情勿喜罔測非辜初微一日之
長辱在百僚之底分甘灰冷疇怨陸沉惟知義
命之安咸謂迂闊於事鮎魚上竹官清或簿於

春水剗鷓遠枝歸夢幾回於壘嶂執絆門生之
轍跡獨依夫子之宮墻非官若古周公爲今大
老道隆德駿時方其仰於泰山心廣体胖公獨
退安於錦里碩績紀旂常而未已少無路鍾鼎
而下香瀛瑞氣蔽帝之陰霞外遂用羊之樂方
且吐哺握髮而下白屋明於舉手投足而轉清
波至若平時故吏之情尤軫播物大約之心蓋
衆亦不茹剛亦不吐於人何所不容凡尺有所
短寸有所長在我不遺其力重念其久摠杜復
茲託節卿慚無穎脫之囊雖泰興甄收於樂籠
頭顛易老敢希搖井之及泉歲月尚餘竊意得
隴而望蜀念鉅被千金之諾如已效八字之褒
然護身之符必拜賜於先時度埃鼻之水不與
嗟於緩事思慮及此世途使然成合災之章下
莫惠資於大造上禱香之祝頂唾不藉於它門

嘯庵四六卷第十一

嘯庵四六卷第十二

代上蔡守

玉山解組騰一襦五袴之謠寶婺把麾動八詠
雙溪之色庇屬叨於宗士喜倍切於衆人庸薦
諛聞或蘄裁鑒某官人文虎豹天瑞麒麟著序
說五十餘篇飽予政古今之學羅心胃二十八
宿擅長古歌詩之聲蚤策駿青紫之科亟膏車
黃赤之道顧文學政事人或岐爲異致惟儒術
吏治公獨集夫大成二千石其惟良乎益懋維
城之注倚九萬里斯在下矣徑躋禁禦之清華

某詞掖寒宗壽溪未緒秋風肯監固嘗效穎叔
之先登春浪南宮不自意劉黃之未第億昔弃
縑於閔吏思復曳裾於王門與世浮湛焉家轉
徙帳空猿鶴怨初無三遷之生涯舌在齒牙牢
徒切偏親之喜懼崎嶇涉歷解石遭來敢辭小
子之共陳終覬丈人之過聽庶投和已必過實
音負來而告滕君願睹聖人之政解榻以迎孺
子誓酬國士之知

代謝陳觀文薦舉

昔年烏帽併仰託於二天此日龍門題品誤叨
於八字人或策於一得已往幸其原逢豐是僥
踰若爲報稱伏念某蠢書餘習涉筆微蹤傳家
僅踵實裘偶俗或幾於拘鑿固嘗甘勉贊其長
以習字民之業詎敢不安厥官而干出位之
名耻爲一世之庸：猶墮此身於碌碌賡明月
清風之詠吟哦日媿於二松掃雙溪疊嶂之蘆
嗜好行便於萬竹所願爪特而代豈期乘籠之
收至如蘆謹之持身殆類詳明之泣事借齒牙
而過慮撫秉慄以凌兢某官勲載萬彙量包海
嶽視人之有技若自己出察物之失所以爲心

憂謂牛溲馬渤雖非上劑之量而木屑竹頭或
適一時之用曲伶孤冷為借光榮某敢不祇服
衮褒益堅素履膏車秣吾馬庶不媿於前脩新
沐彈其冠恐貽羞於隆遇

代宰謝陳觀文薦舉

司筦庫於京華倍費化工之垓北奉教條於屬
邑重叨暖律之吹噓雖天覆地載無以稱不貲
之恩雖父撫母育無以喻曲成之造伏念某得
生譎薄見謂庸疎承家僅襲於箕裘涉世殆成
於納鑿嘗每視衆人之所急情不知小己之獨

迂僥倖脫選調之餘月昧處繁劇之任盤根錯
節夫豈其長毀瓦畫墁苟求於免惟是才乖發
擿曾何姦猾之能除至於政乏清平誠恐獄訟
之難息疊此么麼之迹誤夫特達之知九殞糜
捐萬分報塞某官量恢宇宙得並高深謂點鐵
成金畫出它年之陶冶故引凡入聖靡資餘論
之齒牙豈惟匿瑕覆短而不加播擻之苛抑又
眇陋妍如而游被揄揚之淫某敢不益肩素履
勉珮清歲誦萬間廣履之詩自分難疇於知己
拜一字衮褒之賜誓將仰服於終身

代郡迎木待制

芝綸渙號笄土撫封名世五百年深積岩瞻之
望起家二千石載圖蘭障之勳旗幟晶明山川
焜耀崇官甘盤舊學魯國真儒飛龍漢殿而首
冠於鼎科取日虞淵而密扶於乾運聽穿花漏
夢回太一之青藜當翻藥階句奪仙娥之宮錦
記事螭坳擅獲麟之筆代言鳳掖高倚馬之才
嗣剖竹於江城亟持荷於禁路然大鵬六月之
一息乃逸驥萬里之長征帝曰父師曩勸金華
之講時維方面執分寶婺之憂矧古者岳牧必

用夫詞臣而漢制刺史率入為丞相果膺妙選
爰屬宗工八詠雙溪沸兒童之竹馬十行一札
趨使者之鋒車集仕蓋為貧才無足取邊頭再
貳譽已乏於平分旬服贅丞任曷勝於半刺况
視印之屬耳倏代庖而歎然天實借之公其來
止仰二夫之在望撫一已以增榮佩劍孟嘗之
門幸叨陪於下客嚮扇長安之市庶益廣於仁
風青瑄氣和朱幡春擁願體冕旒之眷益精裊
旣之調

代率通支使

探懷得張氏之釣行屈臨於油幙夢吏授連江
之印慚游割於鈇刃幸棲蔭之有涯詎趣風之
敢後某官太平美瑞經濟長才佩連城明月之
珍宜陳清廟愛八詠雙溪之勝猶贊黃堂然賢
勞來穆於師言願書諾豈容於席煥此時蓮沼
春浮綠水之波異日蓬瀛曉對丹墀之日某材
乖治劇政拙催科勉強續貂考僅營於下下因
緣附驥策儻奉於平平靜言操刀製錦之可虞
甚於同舟遇風之求助前駈弩矢豈惟躬涂道
之迎厦屋幘幪抑喜託權顏之庇

代賀京左相

顯冊敷廷元台正序洪鈞幹化夙調玉燭之和
泰階陳符增煥璿璣之色華菱屑悅宙社愈尊
某官道大無方才全不器應乾馬坤牛之象偶
雲龍風虎之期五嶽三光鍾天地純全之氣千
秋萬歲垂帶礪不朽之名厚德鎮浮壯猶經遠
舉明主隆於三代措天下安若泰山民變時雍
朝躋累洽兩宮歛福侈上皇稱壽之儀兆姓同
惟衍嗣聖誕彌之慶極尊崇之名器隆體貌於
國家左棘首班中臺端揆有赫延登之盛於昭

適駿之休言合稷謨合臯夔無往比前稱房後
稱宋益邁求圖恭偃迹衡茅馳心潭府傳置郵
之綸綍幸親見於吾身銘清廟之鼎彝尚勉其
於異日

代賀汪侍御

疏榮北闕晉直南床廟祐尊安屹霜臺之增重
朝野聳動廓風采之一新竊以秦官御史初置
大夫近代端公嘗爲憲長上而天子視猶耳目
下而度府憚其威稜必屬宗工始厭與論某官
德行純正操履堅明喬出魚龍衍慶源於蟬緒

名高驚鸞聯仙籍於棣華自結主知立登要路
嗣回翔於粉省旋步武於丹墀惟螭坳記事而
擅董狐之良故烏府持網而資汲黯之直虎在
山不採藜藿對當道安問狐狸屬耳辰猷具瞻
昕拜金吾瞻落寧淹白筆之簪玉筍班齊即聽
黃麻之出某披雲維舊履露方新屬偃亦於衡
茅睹除書於郵傳空函竟達阻旅進於門墻實
敬所將冀興於督履

代賀程大諫

詞掖疏榮諫垣晉長增四海有直臣之氣寬九

重無拂士之憂
漢汗四馳風采
一變其官忠合
援尚德配淵濤
詩正易奇
瞻和順積中之學
陳行言聽收膏澤
下民之功
丹衣陳歲
是震奏疏
官良屏息
國是建明
隆春倚於一人
冠班聯於
七列
益懋格天之業
允符維石之隆
騎騏驎
駘鳳凰
燦星芒於北斗
如鷹鷂
定鳥雀
凜氣節於
本朝
詎淹禁暴之持
印正鈞衡之拜
崇夙叨
賴信劇
權計
或杜陵
廣夏之詩
阻陪珠履
軫范
叔故人之念
結恋綿袍

代賀陳給事

誕敷斯詩
肅拜夕郎
其業有光
師度乞移
稿以
銀臺
要庭
瑣闥
定嚴
闔出納於萬幾
侻重輕於
兩地
是以門下封駁之寄
必資天子諫爭之臣
其官昭代
著過清朝
骨鯁光明
碩大集六藝
百家之長
雅健雄深
婉兩京三都之作
奮尊主
施民之略
立聽言
從諫之朝
首陳虛杞之姦
邪人識鄭公之嫵媚
王惟作命
公乃納言
批教尾卻
詞頭
詎淹法從
由班必居
陽足佇陟
公台某矯
首衡茅
馳心省掖
覩細書之一札
阻造賓階
樓廣厦之萬間
恰寒士

代賀趙帥

明綽駁廷重臣宅牧輟轉輸於幾漕資彈壓於
京師千里具瞻四方是式竊以東南之謀帥莫
難畿赤之分符地控全吳据水陸舟車之會天
臨萬乘當衣冠風俗之區不有宗工曷勝隆委
某官靈源毓粹間氣鍾神礼樂縱橫獨擅人文
之虎豹器賢沉厚世推天瑞之麒麟蚤擢第於
楓宸亟蜚英於雲路踐別中外煇燁事功梧嶺
政成旋趣鋒車之召星闈峻直嗣疑省戶之香
肆主饒於閔中益流錢於地上發摘蹇勞於輦
轂論思倚陟於班聯某夙佩知音阻陪賀厦十
行筆札會拭目於超遷四角車輪式祈恩於推
輓

代上越帥

疑旒錫寵賜履專征千里近畿儼元戎之十乘
二伯分陝率春見之諸侯號令聿新教條旁連
某官四朝耆德一代偉人燦金璫千萬篇之文
凜銅柯四十圍之操蚤繇壯縣著三異之能聲
旋實周行負九千之雋望列宿峻即闡之直秋
卿高匠監之聯剖符持節而與論翕然增秩賜

金而帝心簡在乃春塗山之都會實今輔郡之
朕眩鏡水奩開風動麗譙之鼓角秦峯壁立春
生畫戟之旌旗倚疇方面之庸即正鈞衡之拜
某登龍滋久附鳳實深頃頃挫於錫山繼祝登
於琳館冒昧劇繁之試寅緣資考之營固不敢
懲鱧而廢常餐然未免傷弓而驚曲木望五雲
樓閣慨羽肉之無從託二天幘幪儻懼顏之可
卜

代上劉帥

錫命中宸建旄外闡二伯分陝率群后之四朝
千里近畿儼元戎之十乘京師蒙潤列郡趨風
某官抱知仁勇之資養大剛直之氣明經拾地
芥蚤淹州縣之勞引抽拂天星旋陟班聯之峻
駕皇華於四牡隆眷眷於九重左史記言擅重
狐之直筆地官率屬郤劉晏之羸背粵謀帥於
東郊肆駁逢於次對雙溪壘嶂阻兒童竹馬之
迎萬壑千岩新鼓角譙樓之觀政恐潁川之詔
拜未容馮翊之席温某自幼而服官箴迄今而
猶選調半生隨牒夢幾繞於家山下載勸游老
何堪於賓客偶逐斗升之祿闊陪珠玉之塵飛

鳥依人翼終逃於罾弋大復庇士願自託於幪
幪

代賀張侍御

振五曹之職凜勁節於霜臺司三尺之規齊下
僚於星郡采積愆言之日阻謂望復之誠借贊
勳奉或祈裁鑒某官清規玉峙鶴望風生熟添
策於詞林津立登於要路朱轡赤擁自昔儒今
榜之端熊軾仍憑笑流馬水牛之出青瑣峻即
闡之道雖高宰士之聯豎聲息於官良益建明
於國是惟神鼓舞布社稷寧安抵恐班心離久
淹於解學尚有收地行茂長於經綸某寒谷棲
身方抽涉世傍權門矣于離憂疲所未曾為斗
米折腰嘆歲月其何悅然念十年之不調豈無
一喜之可矜長日黃池幸羅致於幪下此特為
府牧請處之囊

代上李節大

時庸藩府晉陟外臺括嶺效官嚴備馬牛之下
走坐溪隨牒重捷索梓之餘陰拭目除書投試
知已某官傳姬孔孟婦之正抱畢夔稷尚之忠
吟六藝誨諸生萬賢閩之聲舉昔一儒今五榜

治輔郡之謹謠盍直上以干霄乃斜飛而遠使
蓋九府國法政資於計度非一朝耆德莫與於
選掄豈特門生故吏之光實爲善類斯文之幸
然儒者固知於財貨而某途方僕於論恩瑞節
節賁臨有赫皇華之翠鋒車赫至佇還清宿之
音某薄官間闕行年衰晚其如燕雀之賀厦甚
於鷄犬之登仙一辨爲南豐幸迄諧於素志回
方隨東野儘少慰於頽齡

代田義烏簿

仇香之棲枳棘爲後驅車陶令之歸田園殆成
交臂貽絨甚寵拊已增妍某官天與長才日新
懿德蚤蜚英於仕路亟騰茂於詞林鵬鷲在秋
天已伏搏風之便驛留開道路佇收逢電之功
盍接武於清華尚淹翔於朱墨倚需交薦立上
要津某猥之寸長謬當劇邑及瓜期而受代指
衆里以言旋異日同寅已抱參商之歎此時覩
面冀成解后之圖

代謝權郡批書

及瓜而代慚割錦之無功全璧以歸感匿瑕之
有自捫心汗下鏤骨涕零伏念某心實徒勞政

誠甚拙三釜始謀於養色一同肩試於操刃豈
虞廢弛之餘倍費支吾之力積賦補虧於數萬
滯訟剖決於朶年每食肝以爲常自戴星之敢
憚民方病涉虹梁趣駕於東江士盍詠歸洋洋
乃營於鄉校嗣預邦諸侯之舉善繼叨部使者
之選廉壘揆省以歆然悉揄揚而得此終更已
幸榮觀何心然一別於萊庭倏入更於莫朔仰
鈴齋之天遠企梓里以雲飛誰其知怜適所願
欲某官行侔曾閔業輦畢護念將母之不遑詎
冥心於錫類憫受代之已久難勉力以憤勞靡
俟艱祈驟膺振拂某敢不益嚙隆施無負深知
叨覆露於此時已託二夫之庇被旌陶於異日
終期兩地之歸

代先君金華薄迎趙倅

矯首屏星將照臨於千里抗塵掾屬辱庇賴於
萬間庸枉忱辭或將實敬某官河間大雅子晉
仙風疏派瓊源起家以諸侯王之胄傳臚玉殿
擢第於子大夫之間蚤馳譽於割鷄亟蜚英於
展驥屬宗柘儲典司之任乃寢園疇職掌之庸
一札十行謂已趣鋒車之召雙溪八詠乃猶仍

泥軾之憑會即賜環徑歸荷橐崇賞延世及祿
仕數竒選調何止於十年官簿行書於再考紅
蓮綠水漸盡諾之非長茂草園非碩平友之何
有自信得情而勿喜庶幾德訟之猶人幸會涉
來趨承旅及匿瑕覆短儻迄遂於終更結草啣
環時敢忘於圖報

彌卷四六卷第十二

彌卷四六卷第十三

代承上劉守尚書干薦

聽華履於尚書夙展脩門之敬贊銅章於縣令
甫視禹邑之勞肅屏手以抵戕祈嘔枯而推較
伏念某筮長素紫簪履雖蹤泰席先君之賞延
嗣月銓闈之選日符官簿碩茂葵侯次者七年
遂祿淮壖振棘僅書於二者偶題品豐膺於當
路謂廉勤相謹於官箴絲作吏之一行泰爲丞
之再轉惟是靈舟之羽化實資樂籠之甄收竹
筒木頭尚堪於時用牛渡馬渤敢奔於師門某

官骨鯁英標著龜前列自昔朝廷之議論常先
人物之正邪懦夫立頑夫廉直者舉枉者錯正
衙坪擊幾落膽於金吾造膝論思列上疏於屏
障蹙輟文昌之喉舌或臨湏女之股肱屬開府
以簡僚期築臺而市駿曾何么麼敢冀選掄重
念其榮途無一面之交窮巷有半生之素偏親
耄耄曾喜俱之交侵孤緒零丁幸扶持之有自
儻華袞之褒或放於一字則櫪驥之價立重於
千金感極涕洟思深頂踵陳下客造珠履之
三千尚爲明公鬻蒲葵之五萬

代謝單師到任

擁千騎於東方想聞風采效一官於下邑阻拜
履絢敢緣祇事之初或由裏之悃其官品曩
名德帶礪勳勞受三朝丹宸之知爲四海蒼生
而起黃扉紫橐龍顏日覲於甘泉皂蓋朱轡燕
寢香凝於名郡惟百粵之都會分二陝之保釐
載熊虎而征儼元戎之十乘執玉帛而會率春
見之作吏蓋五斗以爲貧夫何傳書縻爛軫輻
之餘重以朱墨磨澆勾稽之冗惟善後之無策
詎小官之敢卑那知幸會之逢乃在廉察之域

孺子儻可教寧辭百里之馳驅大賢何不容政
托二天之覆露

代謝劉倉

有嚴英蕩之華未緣趨拜祇服簿書之後幸備
馳驅萬死事之云初豈匪誠之敢後恭官中朝
梓望江左名流議論端方有三代直臣之氣文
章雅健追兩漢作者之風金策駿於所注耶黃
英於雲路政成百里聲高絃歌席半諸侯舉
風月凝旒之春采孳鳴玉之班亟躋職振奉帝
前一時之禮樂照參筮動列宿之光芒惟國
之淵自制而作變假將明之端節式寬曼頌於
清衷嘗教命九年之儲罪歲孰形於嗟怨幹海
山三倍之利裕民賑底於富強耶賦選歸入侍
間魚書雪溪冷狹鐵研寒蹤秋賦蚤充名冠雕
蟲之巧春官未上技伶龍鼠之窮五斗爲貧一
行作吏迭瞻六轡慨付肉之無從仰首二天喜
忤懷之有託

代謝趙漕

王畿千里專飛輓之使摧嚴道一同試勾稽之
簿頌式後望塵之敬庸修請事之勤恭官昭代

善龜明堂柱石蚤受知於旒冕亟馳譽於播紳
薄正大業君孰與不足刑清棘諸侯匪我宗工
疇膺妙選風動靈譙之鼓用光生其戰之旌旗
渺々思波並鏡湖而無際岩々瞻石絕秦望以
何高倚疇頤庸肆收明綵碩綏和氣入正台階
其蚤擅雕蟲傑先薦鷓鴣殿大常之第已員初心
持委吏之書僅行素志爲嗣因仍之獎靈重滋
巧黠之並緣方力整其維網猶未歸於淫矣望
丘雲樓閣可勝羽肉之思託二天幷懔終其袞
襃之賜

代謝飛憲

攬澄清之鬱風仰慕於英蹤持會計之書素甫
親於允後屬望塵之已後庸請事以采勤其常
一代宗三工朝備望所佐王之略雖伊呂無以
加富華國之文抑是董不能過蚤擢楓宸之第
亟飛雲路之美踞甬之發摘如神聲馳赤縣襦
袴之譙謠載路愛浦朱幡姓名自結於主知風
采聲聞於天下爰輟星闈之直晉陸風憲之司
固嘗瞻落於金吾豈持羽造於鶴序惟特綉茶
之寄實分丹宸之慶矧溯右一路獄訟之繫係

方今七郡生靈之重非籍將名之審克孰鋤巧
黠之深文論事回天直節已高於昔日埋輪當
道壯猶益優於此時風息濤而園土空成搖山
而列城竦坐格平反之效趣還禁近之除其瑣
尾癯儒踴涼曲士少年自負偶先鄉老之書人
事好乖猶歿太常之第迫一行而傷民自謂無
冤鼓鑄制萬物之低昂饑饉富九年之儲蓄績
著全淮之壤風行大江之壖春具奧之奧區摺
東南之都會雖古者九貢獨優於甸服而方今
百需起辭於近郊爰陞瑤閣之華俾重推臺之
寄不加民賦豈惟乘積於閔中坐幹利權已見
錢流於地上鼓吹權迎於東渭詔函促對於西
清衆所素期公持餘事其涉世取拙蠹書成痴
蚤志清雲自謂拾芥之易晚拋白紵愈於上竿
之難斗米爲貧一行作吏隄鼠五技若爲展布
之方大廈萬間幸託憐幪之庇

代迎魏知丞

松竹庭前行一新於藍記簿書叢裏方日困於
朱勾闕焉尺素之馳龍甚系雲之被凌競逾分
獲借過情其官鍾鼎家聲珪璋國瑞車傳衣鉢

自中興輔佐之餘獨步文章出江左風流之上
謂已指金馬玉堂而去何肯爲雙溪八詠而來
卽有賜環詎容煨席其蚤充鄉賦晚殿儒科斷
簡殘編無一字之堪煮抱閔擊柝爲斗玉而折
腰然微官或以爲閒惟此地不勝其允采切曠
瘵之惧那知幸會之逢余不負丞：負余政密
棲於蔭樾匪我求蒙：求我豈望無於包荒

代迎沈宰

疏恩北闕出宰東州先聲所臨有識交愛其官
伊周抱負將夏淵源汪洋大肆之文一第直恩
耳正大以直之氣萬鍾何加焉爲甫觀於日畿
遽分憂於星邑蓋昔日撫摩之政簡上方持達
之知謂當人食不二脯之年能爲生靈紓一夕
之命清標凜：固嘗立懦以激蕙游刃恢：豈
但剽繁而治劇矧婺女居三輔之地而金華爲
七邑之雄民嚮訟而俗僥吏濟文而法斲然而
儒先裝處幾成邾魯之邦師帥藩宣不減龔黃
之治澳號或效於浹日風采已爲之一新善牧
羊者去其狼欲知馬則問以狗特公餘事抑衆
所期恭白業承家青衫筮任蚤偕計吏巧曾擅

於雕蟲晚殿大常成僅同於畫虎惟簿領之微
職居掾屬之冗曹弱植孤根頽影屢形於浩歎
高山流水望風豫喜於知音

代迎待制

旃廷渙漢星郡承流龍榜首登夙奮潛淵之舊
魚符仍剖載凝保節之勳喜動朱轡春浮畫戟
某官三朝耆德四海宗師麟一角鍾間世之祥
龜五總富多聞之識十人曰英萬人曰傑蚤陪
虎觀之雋游左史記動古史記言獨擅螭坳之
直筆嗣談經於帝幘旋視草於某垣千古宣城

甫澄江之賦就十行細札俄駟騎之詔追地愈
峻於持荷望益儲於位棘師帥屬謀於輔郡股
肱乃借於重巨然望之雅意本朝寧突黔於馮
翊碩黃霸入爲丞相聊發軔於潁川某鈞繫儒
生簿書俗吏叢葵未問津天府迄成黜額之麟
項紹熙對策路朝僅脫霜袍之鶴俯仰四十年
之蹤跡竄綠二千石之悒悒乃願識韓荆州行
快景星之先睹不如見習主簿預期伏檻之價
增水滿雙溪風和九陌願躡疑旒之眷倍虔祝
體之調

代迎王守大卿

五百名世嚴瞻又屬於真儒二千石起家方面
整分於輔郡雖爵在廷之望抑寬負辰之憂
渙汗所臨風采頓變某官者邇前列骨鯁英標
學問孔孟之正傳抱負稷尚之忠力舉其王於
三代居多陳善以責難立乎人之本朝天豈枉
尋而直尺蚤蜚騰於花 亟簡注於楓宸鴻

高筵羽之聯翬兮妙觸邪之選乘聰憲府騰幾
落於金吾駕牡皇華巧竊卑於流馬嗣起璽書
之召誕疏珥閣之榮建侯甫北於南徐謀帥屬

先於東土命月卿而借重昇星女以增輝江上
一絲風難袖經綸之手明月雙溪水佇疑保鄣
之勳耶下賜環徑趣當軸某學非干祿仕耻爲
貧間閑場屋踰半生俛仰簿書行再考曩癸未
問津天府迄成點額之鱗台紹熙對策路朝僅
脫霜袍之鶴荷諸公尚借以齒頰辱次對首賜
之品題方嗟弱植之疇依誰識陽和之有自大
釣塊北終期兩地之甄廣唐厦併懷政託二天
之覆露土牛餒臘葭瑄回春願益躰於凝旒倍
致虔祝釐

代迎劉守尚書

學士爲真儼大夫之重望州牧統外屹寶婺之
各藩人士趨風山川動色某官四朝耆德一代
宗工松歲寒而不凋挺蹇之節草疾風
而逾勁言告后之謨公固已以前任社稷之
安危人亦於公而占國家之隆贊粵立朝而
冠豸益聳望於乘轡皇猷潤色高大常伯之聯
帝幘論思峻亞冢司之職理事參極名實允孚
僉謂張公論事有回天之刃時推毛玠典選著
移俗之稱期秉軸於中台乃分付於輔郡蓋漢
制丞相率由於刺史而周官大宰或出爲諸侯
雖重內重外勸百工之意不同然宅事宅收駢
羣臣之道則一靡容煥席耶下賜環某蚤借計
癸未之南宮晚叨恩紹熙之北闕况酣黃卷三
紀蹉跎潦倒青衫十年俯仰無復少年之清夢
已廿一世之陳人尚叨齒頰於諸公疊冒品題
於當路遭逢重幸奔走爲榮廣廈併幪政託二
天之覆露大均塊北終期兩地之甄陶

代迎沈守侍郎

皇華駟牡觀風輟駕於星輅明月雙溪作牧遠

絕於祖武先聲籍甚屬吏聳然未官望重四朝
德尊一代挺挺立朝風節松之心箭之筠彬彬
華國文章琬以綉璜以黼自剖江城之竹亟疑
省戶之香漕節仍持題蕭何之屨覬地官晉貳
鄙劉晏之贏貲心雖休休而有容論已落落而
難合願密侍禁途而式近登庸之日仍祈開真
館而遽爲勇退之圖誕疏內閣之榮增重外臺
之寄師帥屬謀於輔郡近臣乃借於股肱同前

代迎趙守

增秩賜金細札誕放於方國加地進律維城益
懋於大邦雖鬱望於在廷抑寬憂於負宸某官
三朝耆老四海宗工擢第妙年是童無以遠過
受知明主搜高蓋所優爲文章政事得諸異稟
之神明禮樂詩書退然積習之儒稚其如尊主
庇民之業人已素期至於撥繁治劇之材公特
餘事果鬯題輿之績亟蜚剖竹之聲渺渺恩波
壺公之山水繞岩岩瞻石大琛之

帝眷

代迎汪倅

雙溪地居三輔徒得君爲重欲爲王而留行
題仲舉之輿行照臨於千里樓仇香之棘尚俛

仰於一同庸狂忱辭式據實敬恭官圭璋國瑞
帶礪家聲文章承正始之傳人物自中原之舊
蚤席調元之遺緒亟蜚步玉之英聲治劇刺繁
特公餘事象賢繼世抑衆所期果疇臺畫之勛
益豈國儲之績城南之天尺五盍徑筵於鶴行
漠北之水三千何尚淹於鵬運暫主溪樓之風
月亟登臺閣之雲霄即有賜環靡容煥席其蚤
偕記吏晚殿太常蹉跎場屋幾半生黽勉簿書
餘再考夢寐少年之積習慨已誤於儒冠浮湛
末路之風波庶或逃於官謗孰爲首地遂托併
幪歛板而揖上官豫工萬間之庇負弩而躬前
導敢辭一日之勞

代迎趙倅

題仲舉之興行瞻風采棲仇香之棘屬奉教條
牘儀唯謹於八行贊敬或先於三拙恭官璿源
疏派玉殿傳臚空冀北之羣氣直獨高於龍種
搏扶搖而上猷爲益壯於鵬圖果疇銅章墨綬
之榮庸亟陟泥軼油屏之選名稱籍甚聞望霽
然辨昭穆於廟祀已係維城之重嗣典司於宗
祐佇增屬籍之光暫分風月於溪樓倚輅雲霄

於步武某蚤充鄉賦晚殿儒科強顏一官折腰
斗粟老將豁齒姑從新進之游愚無它腸忍負
古人之學孰爲首地辱在幘幪僮俾終更庶幾
善後願陪寒士哦萬間廣廈之詩退適顏齡續
五柳先生之傳

嘯庵四六卷第十三

嘯庵四六卷第十四

代迎賈錄

經年棲枳屬依蔽蒂之陰指日泛蓮重賀幘幪
之厦頌它人而猶幸矧小已之獨并遂以絨先
恍然面覲某官器周於用行冠乎倫人皆曰歐
陽子之文一第直恩耳我善養孟軻氏之氣萬
鍾何加馬雖天衢已快於飛騰而冰操尚安於
澹泊樓高明遠鞠茂草於園扉地近邃嚴即判
花於西掖某技窮童蒙身誤儒冠才名四十年
慨已乖於素志扶搖九萬里寧有望於華途姑

折腰以竊斗升祗強顏以隨群陸有來幸會或
契依投石刻摩挲已抱績貂之媿華鑣蹊蹠豫
深附驥之榮

代回彭尉

問訊梅僊隱行宣綵捧之威卑棲仇棘枝日困
朱勾之冗幸同寅於王事辱驟委於雲牋撫已
增妍捫心若惕某官學窮淵奧德毓粹純它日
鯉庭人識單傳之心印異時鶚薦終期繼踵於
世科尚屈贊於花封阻騫騰於藥省亟膺異擢
靡俟終更某一世陳人十年謾仕青雲輦行已
先臺閣之登白髮蹉跎尚困簿書之領黽勉再
逾於寒暑寅緣豐肩於品題方為善後之圖遽
託親仁之庇通三經無知名之援分甘櫪驥之
長鳴處小官有憂世之心願快景星之光睹

代回揚丞

哦藍田之松風采行新於贊府棲考城之棘塵
埃尚玷於官聯稽尺素之塵恭拜采雲之鄭重
以榮為忤得寵而驚某官學富家傳器為時用
恢恢發劍之新月凜凜絕塵之清標盍筮羽於
鴻鴻尚旅行於鴈鷺鍾水雲城郭秀願逸典之

飄然愛溪樓風月佳抑先聲之籍甚亟膺除目
立上要津某愚無它腸老將豁齒僅竊一官而
行志庶幾小惠之及民無所取材願安承教寅
緣借潤可謬敬於它揚萬一定交豫抱慚於二
戴

代回許戶

並居東粵若相避於參辰聯事生官幸同寅於
郡邑先緘驟委媿抱實深某官舒向淵源御雲
黼黻一第直恩耳壇豪端炳蔚之文鼎鍾何加
焉養習中正大之學蓋問津於冊府乃贊畫於

民曹蓋將百番受帑而踵婺女之聲華可但一
郡知名而邁同州之勇決坐席未煖鋒車鼎來
某技蚤雕蟲名光薦鷄蹉跎漫仕嗟壯志之全
非荏苒終更喜故廬之伊邇行上交於知己庶
或遇於賞甘豈無它人孰是薰猶之臭味既見
君子尚修桑梓之敬恭

代通交代趙簿

簿領終更已乏柴桑之譽華緘俯逮益深糠粃
之慙契幸託於子孫辭敢陳於悃悞某官璿源
演瑞玉葉垂芳筆底煙雲成一家之杼軸胷中

夢澤空萬馬之塵埃聊試手於朱勾佇昂頭於
青選某蠹蟬積習退鷁餘蹤才名四十年自歎
書生之命薄扶搖九萬里但欣同輩之榮升俯
首奚堪折腰至此幸及瓜之密爾佩投李之勤
渠盟鷗鷺於汀洲庶乎善後棲鷺皇於枳棘祇
以告新

代上俞提刑干薦

皇乎原隰之華相同風采某爾簿書之後政藉
帡幪敢因負弩之近庸某樞衣敬某官明堂柱
石昭代著龜學極高明而蹈子思之中庸氣
涵正大而養孟軻之剛直蚤策勲於翰墨已屬
望於薦紳中外踐駁事功熒燁引其君於當道
君多陳善以責難立乎人之本朝夫豈枉尋而
直尺筆貫徧儀於玉筍潛藩肆剖於銀菟甫陟
即闡丞持漢節屬輔座深矜於庶獄乃繡衣趣
按於東郊占甌粵之區但見星沉貫索問斗牛
之次誰知草鞮圖扉明清益懋於主知獻替倚
陞於法從某半世齟齬一官贅疣飄零三紀之
餘蹤俯仰百僚之下走然位卑猶可行志豈祿
薄不足養廉曾是批糠敢祈裁監矧已褰帷而

問俗詎容立類以處囊進飾苓訾醫師願卒傳
於藥籠經品題作佳士儻誤被於衮褒

代謝俞提刑薦奉

星色勾稽初之仇棲之文言霜臺題品遽騰祚薦
之章受恩不貲得寵而惧竊以士之幸逢知己
譬諸木之得遇匠師惟榱枿杞梓洞別於肩睫
之間則义負偃植率切夫器能之會其如並亂
於名實本乎弗公之是非自古已然於今惟甚
專佞諛而靡事修潔頽下僚習奔競以成風資
奧援而不卹孤寒此前輩論薦奉之爲弊至於

當憲府簡僚之始屬京秩刻擯之餘剖封七郡
不勝選調之多歲薦一人以備職負之數必得
非常之人物以破公奉之天荒如某者鼯鼠技
窮鷓鴣板簿功名事業負八九之初心期會簿
書得二三之下策固嘗矻矻以求會計之當不
知冉冉而將遲暮之侵亦俗吏之所能於達官
而何取嗜書成蠹習何文奉之素優觸事面墻
安在職業之唯謹叨齒牙之太過鏤心膂以知
歸某官斧斤群材範模百器觀人視所生謂取
友之必端嘉善矜不能雖曲藝而皆誓故方築

臺千金而圖市駿乃使賜壁一雙而誤點蠅某
敢不祇服衣褒益堅素履度幾不媿古人之操
抑以少疇國士之知桃李恩門阻樞衣於下列
松筠晚節誓結草於終身

代謝木待制薦奉

簿領沉迷方遂登龍之願衣褒特達遽騰薦鷄
之章回暖律於豪端豈枯根於谷底竊以上臣
之憂國志於仁者之達人故携手而上或繇堂
下之鄙夫而無媒自前亦有安西之謙從其如
名實之並亂本乎是非之弗公自古以然於今

唯甚專倭諛而靡事脩潔頽下僚習奔競以成
風資奧援而不卹孤寒抑前輩論薦奉之爲弊
至於當大府簡僚之始屬京秩剗擢之餘剖封
七邑不勝選調之多歲薦一人以備職員之數
得之眉睫賜以品題必求人物之非常以破天
荒之公奉如某者抗塵俗狀抱檠陳人秋賦蚤
充自謂處囊而脫穎春官晚殿那知志目而中
眉閔間苦海之浮湛躡躒窮途之險阻嗜書成
蠹夫何李行之老成觸事面墻安有吏能之詳
達借齒牙之太過撫衷慄以頻驚某官以帝王

師爲牧侯伯斷斷權衡之程物淵淵冰鑑之照
人憫其黃卷深潛無一字之堪者察其朱句日
困食斗粟以不浮故方築臺千金而爲市駿之
圖乃使賜璧一雙而有點蠅之誤其敢不紳書
訓誨砥礪行藏生芻一束以玉其身素絲五紵
以潔其操抑以少疇於國士庶幾不媿乎古人
側超飢鷹此日幸棲於清樾銜環異雀它年誓
報於鴻恩

代上林都大祖治干薦

里巷屏居夙倚蕪葭之玉官涂祗事載瞻英蕩
之華慨末路之遭逢感深知之特達捫心汗下
鏤骨涕零某官問世鍾才際天緼識學術故家
之文獻議論前輩之典刑踐中外之四朝儼清
忠之一節蚤受知於丹宸亟接武於華途少需
歷試之難嗣即登庸之峻虎符仍剖騰五袴之
權謠駟騎載馳放十行之細札參贊懋大農之
選貳丞高長府之聯倚晉輅於鈞衡乃整司於
橐冶然儒者固知於財貨而上方政俟於論思
瑞節賁臨寧駐皇華之遣鋒車鼎至佇還清廟
之音某少齒鄉評晚塵仕藉一時輩行幾先臺

閣之登三紀蹉跎猶困簿書之煩然位卑猶可
行志豈祿薄不足養廉雖大鵬之運已息於搏
扶抑老驥之思疇堪於伏櫪荷諸公尚借以齒
頰辱當路豐賜之品題方將黽勉而爲合尖之
圖乃復寅緣而有推轂之誤此時褒袞豫慚藥
籠之收異日銜環誓畢中壺之報

代上張提刑干薦

龍墀對寵虎節宣威行蠻貊之邦久矣有光於
前烈問豺狼之道凜焉大振於祖風色動列城
神馳屬吏某官常羸世緒蘭璧家声文章金薤

之英華氣槩銅柯之凌厲六符仍剖袴襦騰詠
於西陲駟牡載馳徃行屢空於全蜀屬黼座簡
淵衷之記乃綉衣趣使者之來搖山久盪於英
聲沈索可占於符采此時馮軾已看畫錦之榮
即日持荷更喜夜床之對未朝蓬素業未第青
衫自怜束髮而讀父書固嘗未冠而游鄉校蚤
充秋賦業謾詫於雕蟲晚殿春官成僅同於畫
虎憶曩日桃源之盛記昔賢蓮社之游聲光借
乘梓之餘輝潤接松楸之近託萬間廣廈臨風
倍溢於惟顏賜一字褒褒躍冶自投於造化

代上劉守尚書干薦

聽尚書之履聲眈眈屬先於僚掾批主簿之尺
積依投敢後於衆人庸贊勤拳式斲鑿裁某官
清朝骨鯁昭代著龜騰半夜之光芒劍氣直衝
於斗牛壯中流之突兀砥柱屹立於風波世方
馳驚於披披籍籍之中公獨奮發其是是非非
之論于以得時而行志期於反模以還醇非堯
舜之道不陳致主務隆於三代有伊周之志則
可危言益聳於四方肆妙簡於持荷允其瞻於
位棘屬當宇軫憂旬服乃分符暫借重臣匪曰
承流階乎宅揆維斗酌元氣峻文昌喉舌之司
矧日近長安壯河南股肱之郡報政何勞於五
月除書趣下於十行某碌碌兄曹凜凜迂習李
不知於將老術竟左於謀身蚤歲騫騰幾誤梟
盧於袒跣衰年偃仰僅隨蜩鷓於榆枋自惟陳
力以爲民猶惧養安而浮食蓋絲忽圭撮靡憚
簿書之鈎考則釜鍾尋丈不煩里正之追胥已
自樂以忘疲民或稱其創見嗣冒品題於當路
疊膺論薦於諸公惟是合尖誰是推轂一吹暖
律立甕枯根中壺千金幸備參苓於藥籠靈丹

九轉政資塊北於鈞陶

代上趙守干薦

宅牧清朝重旬畿五百里之寄簡僚大府與趙
客十九人而供願入陶甄耻繇介紹某官疊接
才氣龍昂文章纒七歲而賦高軒燿燦心冒之
星斗推五行而傳洪範淹流問李之古今臨民
靡尚於鉅筭燭物寧逃於淵鑑是皆餘事抑衆
可能至於對策漢廷父子竝推於晁董剖符江
國吏民允謂於龔黃歷觀我朝天厲之賢未若
公家今日之盛必將拔滯淹而抑僥倖其肯左
寒峻而右膏梁旁觀之人拭目此舉如某者遭
乘重幸生死爲榮歌片岩雲谷之詩每願執鞭
於籍湜賡夜鶴曉鴻之詠敢期希驥於淵騫屬
方築燕昭臺而爲市駿之圖敢自致烏公悞以
備拔尤之數重念某賦資甚蕙涉世最迂白戰
初齡幾誤臬廬於祖跣青衫暮景僅隨蜩鷓於
榆枋退慚逐祿於微官猶冀及民之小惠念絲
忽圭撮不憚簿書之鉤考則金鍾尋丈庶寬里
正之追呼技雖嘆於鼯窮冗或空於兔狡嗣月
品題於當路存膺論薦於職員惟是合尖誰其

推轂爲山九仞成期已薄於葵丘中流一壺病
陟早祈於漆洎

代再上趙守

大府簡僚斬於得駿小宮祇事幸甚登龍矧蒙
特達之知備儻品題之教師匠平心而程物儒
生拜手以投誠代迫瓜期望深藥籠伏念某少
而自負壯也數竒策竟左於蠹蟬技卒窮於魑
鼠已分青黃之溝水尚尋朱墨之簿書三年不
以爲榮一飯未嘗自逸然大鵬南運望雖阻於
搏扶而老驥長鳴志寧甘於伏櫪在再去辰之

速飛騰暮景之斜學固耻於爲人士蓋伸於知
已某官宜人豈第布政中和方中矩園中規允
矣持身之標準直如衡清如水粹然律下之儀
刑民按堵而無愁歎之聲吏束溫而有神明之
畏靡容煥席耶下賜環重念某與世多違於今
寡援仰祈推轂妄意合尖批竿牘之八行冀垂
情於造物賜袞褒之一字誓圖報於終身

任滿上謝丞相

大鈞塊北播物無垠小已凌兢願誠維谷屬迫
啼號之累庸干造化之私伏念某抱繫諸生乘

田未吏字不堪者，固嘗長揖以送窮仕，或爲貧猶且舉家而食粥，矧犬馬之齒，倏逾於六十而簿書之考，僅閱於二三僥倖，及瓜度幾，擇木豈料飛騰之暮景，動乖掄選於有司，苟焉一闕之可乘，必也衆人之所弃，旣遲遠，次復阻脩途，百口齧齧，食奚堪於畫餅，二毛種種，耕何用於石田，誰怜取困之無聊，已識生成之有自，某官帝王之佐，社稷之臣，繇台嶺以陟台階，聳岩岩之偉望，起東山而開東閣，煥兩兩之泰符，至於身任輕重，而係安危，方且力卹孤寒，而躬吐握，耻匹夫之弗獲，與萬物以爲春，丕變澆風，一陶美俗，斯皆盛時公輔之度，夫豈近世人物之能正序，宰衡綏福，寰寓重念，某壯心頓挫，生理蕭騷，非負天鵬，有長風之妄想，如車轍，射得杯水，以自多，賜之吹朽，以噓枯，易於舉手，而投足，仰祈憫惻，曲軫哀矜，鏤骨銘肌，誓糜捐於九殞，銜環結草，圖報塞於三生。

代上何知院

昔年制闈，叨履露於一廛，此日化鈞，仰甄陶於二柄，屬投造物，庸冒等威。自序同前某官聖人

之耦帝者之師魁多士以洛陽之年可量器業
踐世官以山東之種孰測源流至於身任輕重
而係安危方且力卹孤寒而躬吐惺於勢位乎
何有惟饑溺之是思還我朝忠厚之風洗異時
淺陋之習斯皆在昔公輔之度夫豈近世人物
之能佇正袞台求綏縣寓

嘯庵四六卷第十四

嘯庵四六卷第十五

代治司新任謝宰執

青衫簿領成更屬困於銓曹黃帑除書治鑄遽
叨於鈞播應也如響得之若驚不圖況淪泥滓
之塵蹤復有鎔化鑪錘之生意竊以漢世用泉
率專於刀布本朝更幣嘗佐以鐵官行之兩淮
可防滲漏於尾閭限以一江用辨好弱於目擊
至於檢踏之分職實兼監給之攸司必少知財
貨之源流始不負廟堂之采擇如某者治袞求
習鈔槩餘生毛錐安用不直一錢蹇鈍無堪自

甘五斗固嘗以釜而爨未免彈鋏而歌頌記雕
蟲粗肯諸儒之口敢云贄雉式契廣平之心感
極涕洟思深頂踵某官範模一世器使羣工萬
物爲春俾悉歸於橐籥一夫不獲欲盡入於甄
陶憫其嘗尋鑽研章句之勞察其唯謹鈎校簿
書之職不食人而食志得鑄人於鑄金遂使么
膺獲窺造化某敢不益肩素尚仰吞鴻私念半
世磨礪政自冥心於衮衮然一時點染終當究
意於錚錚

通孟倅司令

扶搖九萬夙欽展翼之才枳棘一枝素乏棲鳶
之譽慶依歸之有自控悃悞以由衷某官圭璧
粹資貂蟬華胄自任以一代人物之重徧參乎
四方師友之傳中外踐駁播紳屬望蒼松翠竹
璧記於藍田黛韜紺轅詔司於帝措贖喜雙溪
之勝亟辭丹禁之榮風月平分寧久居此雲霄
直上行將見之某猥以經生叨塵仕版充賦偕
計吏偶先餘子之鳴贊治掌官書墮在百僚之
祗俶其行李祗彼成葵退慚蟣蟲之微蹤遽備
馬牛之下走僮庸獎拔雖微能賦可以大夫之

稱勉服勾稽敢避高士不爲主簿之謂

通姜總管

旅進鴈鷺行簿領行親於雋邑盡護貔貅士軍
容久筋於陪都指日識韓遡風慕蘭某官德望
三朝之舊議論諸老之先雅歌投壺度越潁陽
之醞籍賦詩橫槊徜徉赤壁之風流翼扶龍躍
之初世濟鷹揚之美高文大冊上所亟稱賸馥
殘膏人爭快睹欲畀鵬圖之一息整違虎旅於
九閔運籌行幹神樞寄逕乃由星甸宅營丘八
百里綽有前聞下齊人七十城特其餘事某踴
涼曲士瑣尾癯儒與計褒然人共賀先登之頽
叔叨恩晚矣世或怜未第之劉蕢天啓誘其愚
裏公照臨於部曲盈尺以犴竿廣抱媿雷門再
拜而銘鼎彝尚投丹府

通陳書記

自分陳人於三家之市勉試勾稽聿瞻雋軌於
千佛之名幸臨牋笺材豫慙於樸遯庇行託於
帡幪某官行輩古人文鳴當世故方其鼓篋筍
游庠序之日已異於懷鉛繫釣爵祿之徒暨挂
籍之升華覺我冠之增重整佐青油幙屬蓮沼

之風和立登要路津看藥堦之書求其少焉自
負晚矣無聞與計卿書曾擅雕蟲之巧竊料天
陛抵怜鼯鼠之窮壯心絮挫而無餘英氣尚存
其有幾偶是及瓜之戍勉營行李而來所願巢
一枝於深林棲馮則否豈復志千里於伏捩附
驥可乎

通趙僉判

華轂朱輪屈贊侯方之治草門圭竇行持屬邑
之書仰宏庇以知歸拊微蹤而自慶其官璇源
毓瑞玉葉騰輝大雅不群卓爾宗之技探的為
善竅樂屹然王國之藩維繫依綠水之蓮耶就
端闡之棘其少焉自負晚矣無聞思昔計偕曾
忝真王之勸駕迨今簿領重叨幕府之主盟不
虞桑榆逢暮之年有此段玉依投之幸脩其可
願冀瘼曠之終逃教所未能尚提撕之幸賜

通黃節推

贊旬畿之畫久結盪英聲問屬邑之簿書行棲樾
蔭式憑諛問曲藉裏言其官老舊風流承平人
物政事稔踐敷之舉文章得正始之傳謂宜
芸省之莪冠乃復蓮池之曳復風生賓幘坐回

千里之春聲轍前旒倚拜十行之札其賦材譎
薄得性穎蒙計吏蚤借意功名之易致未料偶
玷驚少壯之都非念勉試於勾稽尚深虞於瘵
曠儻焉高誼怜其桑梓之同度俾微冠辱在悒
懔之下

代賀廖漕

掖垣疏寵寰內建臺有路通天於樂皇華之節
舉頭見日不遠只尺之顏色動列城心傾屬吏
某官三朝望重數器身兼冀北群空蚤策勳於
桂籍溟南運偶亟接武於華途繇平分留鑰之

玉麟定繼存剖邊頭之銅虎寺監晉承而聲稱籍
甚瑣闈直而譽望藹然載疇饒餽祥刑之外庸
峻陟民曹武監之高選眷乃適聯之持橐嘗資
畿漕之將輸矧運在東南有承平百年之生聚
地而縣吳越居貢賦九服之繁多非陞華實閣
允屬於宗工則將指中宸孰膺於隆委民賦不
加而積閔中之粟利權坐幹而流地上之錢衆
所憚煩公特餘事懽迎東謂豈惟盡掩於前聞
趣侍西清仲見立當於上意某陰棲廣廈目擊
題輿四馳郵傳之音倍劇衷誠之慶望二天而

矯首此特幸記於悒悒期兩地之端居異日尚
歸於陶冶

代回高節推

泛蓮在望夙馳賀厦之誠鞠草罔功坐阻班箋
之敬拜先施之甚寵頌不敏以奚言某官圭璧
粹資貂蟬華胄自任以一代人物之重徧參乎
四方師友之傳混混源泉盖有本以若是駸駸
雲路何小却以如之佇問津紫橐之群仙姑寄
廷青油之上幙某得生連蹇見謂迂疏猥以賞
延浪隨宦譜蹉跎二紀未離州縣之勞俛仰半
生勉逐斗升之祿俱未知於善後若將遂於依
仁教所未能尚提撕之幸賜修其可願庶瘳曠
之終逃

代賀傳憲

肅將隆指丕建外臺總鑲萬屯方鬯重湖之績
觀風駟牡載馳於越之車屬吏交欣先聲甚武
某官七六經傳家之正學四三王致主之宏摹
才擅荀龍俱奏填筮之雅文摘薛鳳尤高月旦
之評更嘗百爲而名益彰夷險一致而節愈顯
絲歷井捫參而召還於蜀道嗣就雲望日而晉

陟於郎闈甫疑錦帳之香復伏綉衣之節迨鶴
陣我行之肅給盃鷄翹豹尾之還歸岳將荷橐
於西清尚屈按刑於東部職任迭更內外始循
近制之常經兄弟繼掌絲綸粵有我朝之故事
某頃叨恩於木綴嘗景行於周行偶茲倅貳於
海拜正屬按臨於臺治豈謂孤蹤之重幸肆令
官路之疊遭仰蘇刺史之天方託此日忻懽之
宏覆爲李將軍之地尚疇異時吹送之深恩

代賀章提舉進職再任

將指疇庸疏恩因任雄臺丕建山川不改於照
臨延閣陞華體見式昭於寵數觀詹俱聳鼓舞
惟均某官議論諸老之先人物三代之上蚤蜚
騰於挂籍亟簡注於楓宸嗣繇冑監之師儒晉
陟奉常之禮樂班窮覆錦肆疑省戶之香望切
持荷俄詭澄清之轡當國家講實政於有爲之
日乃山海濬利源於積蠹之餘蓋歛散闔闢非
俗吏之爲信本未源流惟儒者所深識果政
聲之上徹膺眷獎之最隆願從聯平入岳圖夕
誨之殫宜褒律存加申俾外庸之迄雲浮弱水
定知不隔於蓬萊日近長安行見即排於閭闔

未周行頃玷朝蹟焉依迨貳郡之贊真稟一身
之受察欽聞成命倍溢懽悰仰蘇刺史之天何
幸重棲於廣廈焉李將軍之地敢期後並於英
游

代賀程漕

昕綸誕渙明指肅將寓直著廷增重觀風之牡
有嚴蕩節不違近日之畿條教一新懽愉四達
某官握蘭朝譽聽履家聲議論前輩之典刑舉
術中原之文獻邊頭剖竹蚤疑保鄣之勲帝里
鳴珂旋筮班聯之羽嗣蜚英於覆錦益注簡於
疑旒維時飛輓之權莫重浩穰之地乃眷剴劇
揆煩之手孰逾象賢濟美之才爰輒望卽肆分
隆委然近比策躋於從橐心疇庸明陟於計臺
驪駕牛車寧久勞於鞭笑鷄翹鳳尾佇卽上於
荷囊某濫吹實漸題與何補代庖越俎責僅塞
於曠瘼尸稟素餐寄尚虞於閑決靖言幸甚遂
託帡幪遯事崇臺自慶棲身於杜厦眷言別駕
若爲羽肉於蘇天

代回韓倅

元戎上幙懋凝畫諾之勲潛府貳臺頭奉題與

之詔雖鬱在庭之望折增近輔之輝敢謝先施
式紆實敬某官器資凝遠識度粹茂閑閑不居
積習退安於儒雅踐駁有煒長才見請於吏師
願將橫飛要近之除乃暫寄遙閔決之地十洲
三島寧淹風月之平分萬壑千岩會惜公侯之
復殆某贅丞何補濫吹實慚比越俎以代庖甚
同舟之求助茲建牙於帥閫尚尸廩於判員靖
言慕簡於生平遂獲依劉於朝夕既見君子庶
獲奉於誨言豈無他人願求同於臭味

代賀章倉

陞莘珪閣因任雄臺天下之達尊三龍渥或昭
於異數東浙之爲郡七照臨不改於提封條教
更新屬部交慶某官李博而器重識遠而材閎
當求阜策士大廷正論巴推於晁董肆聖上儲
材內列英游亟接於臯夔果繇胄監之師儒晉
陟奉常之禮樂嗣握蘭而覆錦俄攬轡以登車
蓋穹班垂上於荷囊必名指首將於蕩節肆講
求於實政期增濬利源非籍通儒孰疑異績然
猶之逾壯者後難於繼而效之已彰者功易以
成與其誕敷召綍而趣歸嚴近之班孰若申昇

榮名而庸示眷懷之倚頽乃身在外寧勞宣室
之久思諒即日處中允叶商岩之昔夢其一官
蹉跎載紀浮湛固嘗不卑筦庫之官亦既游司
犴狴之事豈特不遑將母盡啜菽飲水之惟所
謂未至陞朝徒苦骨勞筋而已今久依於臺治
喜快睹於郵書矯首蘇天阻列馬牛之下走託
身杜屐敢申燕雀之微誠

代賀傳憲

將指中宸建臺輔郡重湖護籞方肅給 萬屯
於越觀風復載馳於駟牡先聲所暨屬吏交欣
共官四海儒宗三朝耆德平生一正君之奉粹
然白璧之無瑕洪範五皇極之中允矣狂瀾之
屹立殘馘滋久簡注愈隆繇予環屬道之天難
益騰茂長安之日近青瑣峻即圍之直黃扉高
宰士之聯衆皆稱其陳善閉邪久負獻納論思
之望公則耻夫枉尋直尺勇爲咨詢諷度之行
然比年徒索之陟明多東部祥刑之底績頽乃
身在外寧勞宣室之久思諒即日處中允叶商
岩之昔夢其一官蹉跎載紀浮湛固嘗不卑筦
庫之官亦既游司犴狴之事退惟小已獲事崇

臺蚤歲受墨屬先正分符於扮社頻年歛版偶
阿戎竝仕於瀛儒重厚幸之豐遭胡私情之不
喜仰蘇天而矯首阻陪下走之馬牛望杜厦以
陳辭敢狂忱誠於燕雀

代賀程漕

疏籠掖垣將明畿漕榮聯中祕昭眷倚之優隆
臺治神臯隨事權之彈壓觀瞻俱從鼙鼓舞惟均
某官杞梓棟梁之材圭璋宗廟之器蚤蜚英於
雲路亟接武於華途剖竹邊頭籍甚袴襦之流
詠鳴珂帝里責然瑣闥之增輝肆覆錦於即園
浸持荷於從橐眷乃九重之宵旰孰踰二游之
轉輸矧東南居財賦之淵况西北憺規恢之畧
非藉世臣之敏手疇寬當饋之碩憂塞下實粟
地上流錢可但揆煩而剝劇河內策勲閔中第
賞式觀濟美以象賢某踔蹇一官浮湛載紀固
嘗親筦庫之鄙事亦既更狴犴之煩勞退惟小
已之幸遭屬偶崇臺之丕建頃伯氏宰居巢之
邑趨承久託於旃幪茲微蹤糾鄭嶺之曹瑱尾
更資於臨照已爲謀不及此人所欲必從之儻
焉藥龍之兼收或者選坑之可脫仰蘇天而矯

首阻陪下走之馬牛望杜厦以陳辭敢非忱誠
於燕雀

代通韓倅

帝以象賢倅茲潛府千岩萬壑蚤鍾瑞世之材
三島十洲豫溢緹屏之慶先声甚武厲吏均驩
某官奕葉忠勳淵源問季封胡羯木衣冠迭盛
於累朝將相公侯闕閱獨高於當代積習薰陶
於儒雅清標照映於綺紈頃贊登於元戎已競
誇放敏手平分風月寧久淹開決之勞直上雲
霄看即鼓橫飛之翮某一官蹉跎載紀浮湛固

嘗不卑筦庫之官亦旣游司徒行之事家僅有
鄭公之笏人孰怜嵇紹之孤辱公丕建於貳臺
盖天實借其宏覆興言厲掾幸託少陵之萬間
所媿賞音豫之阮瞻之三語

嘯菴四六卷第十五

